

## Stáhtaráđi ášahus

### guollebivddus Deanu čázádaga oalgečázádagain jagi 2021

Stáhtaráđi mearrádusa mielde mearriduvvo guolástanlága (379/2015) 46 § 3 momeantta, 48 § 3 momeantta ja 52 § 2 momeantta sihke guollebivddus Deanu čázádagas Norggain dahkkovuvvon soahpamuša láhkaásaheami suorggi mearrádusaid fápmuibidjamis ja guoskadeamis adojuvvon lága (176/2017) 7 § 3 momeantta vuodul:

#### 1 §

##### *Guoskadanviidodat*

Dán ášahusa mearriduvvo eará guliid go luosa bivddus čuovvovaš Deanu čázádaga luossagoarggunviidodagain:

- 1) Buolbmátjávri, Gálddašjohka Luovosvárjoga njálmmi rádjái, Badje-Buolbmátjohka Badjegoržži rádjái, Luossajohka Luossajávrrí rádjái, Morešveajohka njeallje kilomehtera bajás luoitinsajis Badje-Buolbmátjoga rádjái sihke Skihpajohka vuosttaš luobbala rádjái;
- 2) Veahčajohka Veahčajávrrí rádjái ja Váišjohka Váišluobbala rádjái;
- 3) Ohcejohka Mierašjávrrí rádjái, Čársejohka Liŋkinjohnjálmmis 10 kilomehtera bajás Geavu Fiellogáhjoga njálmmi rádjái;
- 4) Goahppelašjohka Birkejohnjálmmi rádjái, Birkejohka Badjegoržži rádjái sihke Goaskinjohka Goaskinjávrrí rádjái;
- 5) Njiljohka 13 kilomehtera nuppi juovahatgietti rádjái;
- 6) Áhkojohka goržži rádjái; sihke
- 7) Gáregasjohka vihhta kilomehtera Luopmošjohnjálmmis bajás.

Guollebivddu 1 momeanttas namuhuvvon viidodagain guoskaduvvo dasa lassin guollebivddus adojuvvon stáhtaráđi ášahusa (1360/2015) dakko buohta go dán ášahusas ii nuppe láhkái mearriduvvo. Luosa ráfáidahttimis mearriduvvo luossabivddu mearraigásaš gieldimis Deanu čázádagas jagi 2021 adojuvvon ášahusas (359/2021).

#### 2 §

##### *Guollebivddus lobálaš bivdoneavvut*

Guollebivdu lea lobálaš dušše čuovvovaš bivdoneavvuiguin ja -vugiiguin:

- 1) njánggofierbmi Ohcejoga, Veahčajoga ja Buolbmátjoga čázádagas;
- 2) stággu ja vuogga;
- 3) guollehehkke guoika- ja rávdnjeduovdagiid olggobealde;
- 4) njáhkároahkki jienja alde bivddedettiin.

#### 3 §

##### *Bivdogieldoguvllut*

Bivdu lea gildojuvvon čuovvovaš viidodagain:

- 1) Badje-Buolbmátjohka oalgejogaidisguin;
- 2) Gálddašjohka joganjálmmi ja Gálddašjohka Luovosvárjoga njálmmi rádjái mas lea mielde maid Gálddašluoppal ja -láttu;

3) Ohcejohka joganjálmmi rájes gitta Ohcejoga ja Njuorggáma gaskasaš geainnu šalddi rádjái; sihke

4) Čársejohka vuollegoržžis 60 mehtera mátkkis goržži niskkis vulos guvlui.

4 §

*Almmolaš vahkkoráfáidahttin*

Maŋnelis 5 ja 10 §:s mearriduvvon bivdoáigodagaid áigge visot bivdu lea gildojuvvon sotanabeivvis diibmu 19 rájes vuossárgii diibmu 19 rádjái earret guollebivddu jávrriin 200 mehtera duohken joga oivošis dahje njálmmis.

5 §

*Guollebivdoáigodat stákkuin ja vuokkain*

Stákkuin ja vuokkain oažžu bivdit Buolbmátjoga, Veahčajoga ja Ohcejoga čázadagain geassemánu 1. beavvi rájes gitta borgemánu 31. beavái.

Eará go 1 momeanttas dárkkuhuvvon čázadagain stákkuin ja vuokkain lea lohpi bivdit geassemánu 1 beavvi rájes gitta borgemánu 20. beavái.

6 §

*Ráddjehusat mat gusket seavtti ja áŋkorbivdosiid*

Seaktin ii oáččo geavahuvvot reahka, guolli iige máhtu.

Njáhkároahki geavahus lea lobálaš dušše go njáhká bivdojuvvo jieŋa alde. Deanu čázadagas váldojuvvon jápma seakteguolli lea goittotge lobálaš njáhkároahkiin guolástettiin ja máhtu geavahus seaktin lea lobálaš jieŋa alde oaggumis.

Go stággu dehe vuogga geavahuvvo, de áŋkoriin eai oáččo leat ávnnjaldagat dahje ávnnjaldagat galget deddojuvvo gitta. Vuokkas oažžu lea eanemustá okta golmmasuorat áŋkor dahje eanemustá golbma ovttasuorat áŋkora.

7 §

*Veahkkeneavvu mii geavahuvvo stággobivddus*

Bivdosii darvában guoli loktemis gáddái oažžu veahkkeneavvun geavahit dušše hoava.

8 §

*Gildojuvvon stággobivdinduovdagat*

Stággoguollebivdu lea gildojuvvon:

1) 10 mehtera lagabus njáŋggofierpmi;

2) šalddi alde;

3) fatnasis ja gáttis 200 mehtera lagabus oalgejoga lagamus gátti Geavu ja Čársejoga njálmmis Geavojávrris, Čársejoga njálmmis Geavus dahje Gálldašjoga ja Badje-Buolbmátjávri njálmmis Buolbmátjávrris.

9 §

*Godđojuvvon bivdosiid geavahanmeari ráddjehus*

Guollebivddus lea lohpi geavahit ovttaáigásaččat eanemustá vihtta njággofierpmi giddodaga guovdu.

## 10 §

*Guollebivdináigi njággofierpmiin*

Guollebivdu njággofierpmiin lea lobálaš johkaossodagain vain jienaid vuolgimis geassemánu 20 beaivvi rádjái sihke borgemánu áigge.

Guollebivdu lea liikká lobálaš oppa jagi jávrriin guhkkelis go 200 mehtera geahčen joga oivošis dahje njálmmis.

## 11 §

*Fanasbivdu*

Stággoguillebivdu lea gildojuvvon fatnasis.

## 12 §

*Bivdosiid merken*

Bivdinláhkái biddjojuvvon njággofierpmit ja buođut galget merkejuvvot čielgasit nu, ahte čáziid alde johttit fuobmájit daid. Bivdosat galget merkejuvvot uhcimustá 15 sentemehtera čázeoavvi bajábeallai olli govddohagain dahje uhcimustá 40 sentemehtera čázeoavvi bajábeallai olli stákkožii giddejuvvon láhpuin, man oaneheamos siiddu guhkkodat leat uhcimustá 15 sentemehtera.

Bivdosiidda galget merkejuvvot bivdosa biddji namma ja oktavohtadieđut sihke dan giddodaga namma, masa bivdovuoigatvuohta gullá. Njággofierbmái mearka giddejuvvo bivdosa geahčái giddejuvvon govddohakkii, mii oidno bures.

## 13 §

*Bivdu fierbmebivdosiiguin*

Njággofierbmi, mii geavahuvvo guollebivddus, oažžu leat eanemustá 2 mehtera allosaš bodnefierbmi, mas lea fierbmečoalli ovttain vuoksain almmá seahka haga ja mii lea válmmaštuvvon nailonláiggis, mas lea okta sáiggar, man assodat oažžu lea eanemustá 0,20 millimehtera.

Njággofierpmiin guolástettiin ii oaččo geavahuvvot dahkurávdnjesuodji iige vuojahatfierbmi.

Njággofierpmi galljodat ferte leat uhcimustá 29 millimehtera ja dat oažžu leat eanemustá 35 millimehtera čuolmma gaskačuoggáš čuovvovaš čuolmma gaskačuoggái njuoska bivdosis mihtidettiin.

Buolbmátjávrris, Ohcejoga luobbaliin sihke Veahčajoga Rievssatjávrriin njággofierpmit, mat geavahuvvojit eará guliid go luosa bivdimii, ožžot leat alibut go 2 mehtera ja reaskábivddus lea lohpi geavahit firpmiid, maid galljodat leat uhcimustá 17 millimehtera. Čakčamánu 1 beaivvi rájes cuoŋománu 30 beaivvi rádjái oažžu ovdal namuhuvvon viidodagain fierpmi geavahuvvot čázeoafierbmin. Firpmiid galljodat galgá dalle leat unnimustá 18 millimehtera ja dat oažžu leat eanemustá 50 millimehtera.

14 §

*Oalli ja bivdosiid gaskkat*

Njájggofierpmi mihkkege osiid ii oaččo ollit váldo- dahje siidorokki oali rastá. Bivdosiid olggumus oassi ii oaččo ollit gokkoge 10 mehtera lagabui buohtalas gátti, eaige rokki sulluid, lássáid ja gárگویت, maid gaskii bohtet iežaset rokkít.

Bivdima várás biddjon njájggofierpmít eai oaččo leat gokkoge 60 mehtera lagabus nubbi nuppi.

15 §

*Fierbmebivddu gielddusviidodagat*

Njájggofierbmi dahje buođđu ii oaččo biddjojuvvot 200 mehtera lagabui oalgejoga lagamus gátti Geavu ja Čársejoga njálmmis Geavojávrris, Čársejoga njálmmis Geavus dahje Gáld- dašjoga ja Badje-Buolbmátjoga njálmmis.

16 §

*Sálašalmmuhus registarii*

Guollebivdi lea geatnegahtton doallat sálašbeavegirjji šleađgahámis dahje báhpára alde. Guollebivdi ferte maid almmuhit guollebivddus Deanu čázádagas Norggain dahkkon soahpamuša lálkaásaheami suorggi mearrádušaid fápmuibidjámis ja guoskadeamis addojuvvon lága (176/2017) 7 §:s dárkkuhuvvon Deanu šleađgasálašregistarii juohke bivdojuvvon luosas, dápmohis/guvžžás, ruoššaluosas ja girjeluosas čuovvovaš dieđuid:

- 1) joga dahje jávrrí, mas guolli lea bivdojuvvon;
- 2) bivdobeavimeari;
- 3) guoli sohkabeali, deattu ja guhkkodaga;
- 4) luitojuvvon guliid meari šlájaid mielde;
- 5) bivdoneavvu.

Luitojuvvon guoli sohkabealli, deaddu ja guhkkodat ii goittotge dárbbáš almmuhuvvot.

Sállaša haga báhcán bivdi galgá almmuhit 1 momeanta 1, 2 ja 5 čuoggáin dárkkuhuvvon dieđuid.

Sállašat fertejit almmuhuvvot mánotbaji siste guollebivdoáigodaga nohkamis. Almmuhussii galgá gullat guđege bivdojuvvon šlája ollesdeaddu nu ahte dat lea sierra šlájaid mielde sier- ranaston.

Bivdolobiid luohpadeaddji geatnegasvuodás ordnet guolásteaddjai beassama šleađgasálašregistarii mearriduvvo guollebivddus Deanu čázádagas Norggain dahkkon soahpamuša lálkaásaheami suorggi mearrádušaid fápmuibidjámis ja guoskadeamis addojuvvon lága 8 §:s.

360/2021

17 §

*Fápmuiboahhtin*

Dát ásahus boahhtá fápmui miessemánu 1 beaivvi 2021 ja lea fámus gitta juovlamánu 31 beaivvi rádjái 2021.

Dáinna ásahusain gomihuvvo stáhtaráđi ásahus guollebivddus Deanu čázádaga oalgečáziin (297/2017).

Helsegis cuoŋománu 29 beaivve 2021

Eana- ja meahccedoalloministtar Jari Leppä

Ráđđádalli virgeolmmoš Tapio Hakaste